

Dr. Mustafa Cerić

Reisu-l-ulema (1993.-2012.)

DRUGA REDŽEPSKA HUTBA

(09. redžeb 1438 h.g.)

(06. april 2017. godine)

إِنَّ الْحَمْدَ لِلَّهِ، نَحْمَدُهُ وَنَسْتَعِينُهُ وَنَسْتَغْفِرُهُ، وَنَعُوذُ بِاللَّهِ مِنْ شُرُورِ أَنْفُسِنَا وَ سَيِّئَاتِ أَعْمَالِنَا،
مَنْ يَهْدِهِ اللَّهُ فَلَا مُضِلَّ لَهُ، وَمَنْ يُضِلَّهُ فَلَا هَادِيَ لَهُ، وَ أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ،
وَ أَشْهَدُ أَنَّ مُحَمَّدًا عَبْدُهُ وَرَسُولُهُ..

قَالَ اللَّهُ سُبحَانَهُ وَتَعَالَى: يَا أَيُّهَا الَّذِينَ آمَنُوا إِنْ جَاءَكُمْ فَاسِقٌ بِنَبَأٍ فَتَبَيَّنُوا أَنْ تُصِيبُوا قَوْمًا بِجَهَالَةٍ
فَتُصِيبُوا عَلَى مَا فَعَلْتُمْ نَادِمِينَ.. (الحجرات: 49)

يَا أَيُّهَا الَّذِينَ آمَنُوا اتَّقُوا اللَّهَ وَأَطِيعُوهُ، إِنَّ اللَّهَ مَعَ الَّذِينَ اتَّقَوْا وَالَّذِينَ هُمْ مُحْسِنُونَ!

Hvala Allahu, hvalom koja se nikom ne upućuje osim Njemu, jer se uistinu Njemu sve vraća, hvalom koja priliči Njegovim blagodatima, koje On stalno uvećava i sa kojima se postiže Njegovo zadovoljstvo.

Molimo Allaha Uzvišenog da blagoslovi onoga sa kojim je zapečaćeno poslanstvo, Muhammeda alejhisselama, kao i njegovu braću Allahove poslanike Adema, Nuha, Ibrahima, Musaa, Isaa, alejhim salavat i selam, i sve druge koje je Allah nadahnjivao znanjem i mudrošću kako bi donosili radosnu vijest svjetovima. Neka je blagoslov na sve njihove sljedbenike.

Dovu učimo Allahu Uzvišenom da nas sačuva od posrtaja. Žurimo prema Allahu kako bi naša riječ i djelo bili radost i sreća ljudima.

Svevišnji Allah u Kur'anu Časnom kaže: - *O vjernici, ako vam kakav pokvaren čovjek donese vijest, dobro je provjerite, da u neznanju nekome zlo ne učinite, pa da se zbog onoga što ste učinili pokajete. I znajte da je među vama Allahov Poslanik, kad bi vas on u mnogo čemu poslušao, doista biste nastradali, ali Allah vama je pravo vjerovanje omilio i u srcima vašim ga lijepim prikazao, a nezahvalnost, raskošnost i*

neposlušnost vam omrazio. Takvi su na pravom putu – dobrotom i blagodat Allahovom. – A Allah sve zna i mudar je!

Draga braćo i sestre,

Vijest formira svijest. Ako je vijest istinita, i svijest čovjeka bit će istinita. Ako je vijest lažna, i svijest čovjeka bit će lažna. Zato je od prevelike važnosti da čovjek zna razlikovati istinitu od lažne vijesti. Od prevelike važnosti je da oni koji prave vijesti radi oblikovanja čovjekove svijesti budu savjesni i odgovorni. Ljudska povijest je prepuna primjera kada su nesavjesni i neodgovorni ljudi proizvođači lažne vijesti, formirali lažnu svijest kod pojedinaca i naroda, što je uzrokovalo bol, patnju i krv kod nevinih ljudi. Zapravo, gotovo sve ljudske nesreće počinju sa proizvodnjom lažnih vijesti kojima je cilj da ubiju ponos u čovjeku, da mu iskrive vjeru, da u njemu ubiju dušu, ali i da u njima potiču oholost, nepravdu i zločin.

Iblis je lažno obavijestio Adema da mu Allah (dž.š.) želi uskratiti pravo na vječnost. Adem je povjerovao lažnoj vijesti Iblisovoj i zato je morao napustiti Džennet. Nuhov sin je imao lažnu predodžbu da će ga visina brda spasiti od potopa pa je odbio da se ukrca u očevu lađu spasa. Jusufova (a.s.) braća su obmanila svog oca zbog čega je Jusuf (a.s.) propatio u tamnici. Drugi svjetski rat uzrokovala je lažna vijest koja je formirala lažnu svijest o nadnaravnoj naciji koja treba da potčini sve nacije svijeta pod okrilje lažne predodžbe o sebi. Nažalost, zbog te lažne vijesti od koje je napravljena iskrivljena svijest, proliveno je mnogo nedužne ljudske krvi i u svijetu posijano drvo zla čiji korijeni još nisu potpuno iščupani. Dokaz tome je pojava svijesti o nebeskom narodu koji je sebi umislio misiju rušenja svih dobara na Zemlji, ljudskih i materijalnih.

I nakon što je ta pogubna svijest ubila koga je ubiti mogla i porušila što je porušiti mogla, ona danas ponovo širi lažnu vijest o krivnji onih koje je pobila i o nepostojanju onoga što je porušila. Ta pogubna svijest već odavno je prekinula vezu sa nebom, ali iz osvete prema onima koji su ostali uspravni na zemlji, prema svojoj žrtvi, čini sve da joj ubije ponos, iskrivi vjeru i uništi dušu. Žrtva je danas ponovo objekat lažne vijesti kod koje i o kojoj se nastoji formirati lažna svijest o nepodobnosti, bezvrijednosti, čak opasnosti po svijest koja je sebi umislila da mržnjom prema vjeri i vjernicima pravi bolji svijet u kojem neće biti ni vjere ni vjernika, ni džamije ni džematlija, ni vakufnema ni vakufa, ni ezana ni sevdalinki. Ta lažna vijest koja se brzo i mnogostruko širi i koju se snažno podupire sa svih strana treba da formira svijest kod žrtve o predaji i priznanju, o samokrivnji i samozločinu. Nije dovoljno što oni udaraju umorenog lava, što tjeraju prognane zečeve i što love uplašene miševе, već traže da umorni lav sam sebe udara, da prognani zečevi sami sebe tjeraju i da uplašeni miševi sami pobjegnu u svoju mišiju rupu.

Draga braćo i sestre, ne treba da budemo vukovi od kojih će se djeca plašiti i starci zazirati, ali ne smijemo biti ni zečevi koji će na svaki povik bježati ispred prigušenog metka kojim nas se želi uplašiti, niti smijemo biti miševi koji će na svaki

krik uhranjenih mačaka bježati u mišiju rupu. Moramo biti lavovi, makar umorni, ustati i svijetla čela pogledati svakome u oči. Moramo znati zaštititi se od lažne vijesti koja svakodnevno kruži oko nas. Ne smijemo dopustiti da nam ubiju ponos, da nam iskrive vjeru i da nam unište dušu. Snagom istinite vijesti i istinske svijesti o svojoj vjeri i svojoj zemlji moramo zajednički nadvladati sebičnost, malodušnost i malaksavost. Vjerskom i patriotskom solidarnošću moramo nadvladati siromaštvo i beznađe. Evo kako Allah (dž.š.) savjetuje vjernike:

أَسْتَعِيدُ بِاللَّهِ: يَا أَيُّهَا الَّذِينَ آمَنُوا إِنِ جَاءَكُمْ فَاسِقٌ بِنَبَأٍ فَتَبَيَّنُوا أَنْ تُصِيبُوا قَوْمًا بِجَهَالَةٍ فَتُصْحَبُوا عَلَىٰ مَا
فَعَلْتُمْ نَادِمِينَ.. (الحجرات: 49)

- O vjernici, ako vam kakav pokvaren čovjek donese vijest, dobro je provjerite, da u neznanju nekome zlo ne učinite, pa da se zbog onoga što ste učinili pokajete. I znajte da je među vama Allahov Poslanik, kad bi vas on u mnogo čemu poslušao, doista biste nastradali, ali Allah vama je pravo vjerovanje omilio i u srcima vašim ga lijepim prikazao, a nezahvalnost i raskošnost i neposlušnost vam omrazio. Takvi su na pravom putu – dobrotom i blagodati Allahovom. – A Allah sve zna i mudar je!

Svemogući Allahu, osnaži nam pamet i sačuvaj nas lažnih vijesti i lažnih poruka!

Sveznajući Allahu, pouči nas da znamo razlikovati istinitu od lažne vijesti!

Milostivi Allahu, pokaži nam istinu istinitom i laž lažnom!

Amin!

أَلَا إِنَّ أَحْسَنَ الْكَلَامِ وَأَبْلَغَ النَّظَامِ. كَلَامُ اللَّهِ الْمَلِكِ الْعَزِيزِ الْعَلَامِ.

كَمَا قَالَ اللَّهُ تَبَارَكَ وَتَعَالَى فِي نَظْمِ الْكَلَامِ: "وَإِذَا قُرَأَ الْقُرْآنُ فَاسْتَمِعُوا لَهُ وَأَنْصِتُوا لَعَلَّكُمْ تُرْحَمُونَ"

أَعُوذُ بِاللَّهِ مِنَ الشَّيْطَانِ الرَّجِيمِ، بِسْمِ اللَّهِ الرَّحْمَنِ الرَّحِيمِ: وَتَعَاوَنُوا عَلَى الْبِرِّ وَالتَّقْوَى وَلَا تَعَاوَنُوا عَلَى الْإِثْمِ وَالْعُدْوَانِ وَاتَّقُوا اللَّهَ إِنَّ اللَّهَ شَدِيدُ الْعِقَابِ.

[جُلُوسٌ]

{بَارَكَ اللَّهُ لَنَا وَلَكُمْ وَلِسَائِرِ الْمُؤْمِنِينَ وَالْمُؤْمِنَاتِ وَالْمُسْلِمِينَ وَالْمُسْلِمَاتِ الْأَحْيَاءِ مِنْهُمْ وَالْأَمْوَاتِ بِرَحْمَتِكَ يَا أَرْحَمَ الرَّحِمِينَ}

الْخُطْبَةُ الثَّانِيَّةُ

الْحَمْدُ لِلَّهِ حَمْدَ الْكَامِلِينَ، وَالصَّلَاةُ وَالسَّلَامُ عَلَيَّ رَسُولِنَا مُحَمَّدٍ وَآلِهِ وَصَحْبِهِ أَجْمَعِينَ، تَعْظِيمًا لِنَبِيِّهِ وَتَكْرِيمًا لِفَخَامَةِ شَأْنِ شَرَفِ صَفِيَّتِهِ، فَقَالَ عَزَّ وَجَلَّ مِنْ قَائِلٍ مُخْبِرًا وَأَمْرًا: "إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ آمَنُوا صَلُّوا عَلَيْهِ وَسَلِّمُوا تَسْلِيمًا".

اللَّهُمَّ صَلِّ عَلَى مُحَمَّدٍ، وَعَلَى آلِ مُحَمَّدٍ، كَمَا صَلَّيْتَ عَلَى إِبْرَاهِيمَ، وَعَلَى آلِ إِبْرَاهِيمَ، إِنَّكَ حَمِيدٌ مَجِيدٌ، وَبَارِكْ عَلَى مُحَمَّدٍ، وَعَلَى آلِ مُحَمَّدٍ، كَمَا بَارَكْتَ عَلَى إِبْرَاهِيمَ، وَعَلَى آلِ إِبْرَاهِيمَ، فِي الْعَالَمِينَ إِنَّكَ حَمِيدٌ مَجِيدٌ.

اللَّهُمَّ ارْزُقْ مَقْتَلَكَ وَغَضَبَكَ عَنَّا وَلَا تُؤَاخِذْنَا بِمَا فَعَلَ السُّقَهَاءُ مِنَّا وَلَا تُسَلِّطْ عَلَيْنَا بَدُنُونَنَا مَنْ لَا يَخَافُكَ وَلَا يَخْشَاكَ وَلَا يَرْحَمُنَا!

اللَّهُمَّ طَهِّرْ قُلُوبَنَا وَأَزِلْ غُيُوبَنَا وَاكْشِفْ كُرُوبَنَا وَتَوَلَّنَا بِالْحُسْنَى وَاجْمَعْ لَنَا خَيْرَ الْآخِرَةِ وَالْأُولَى!

اللَّهُمَّ أَصْلِحْ أَحْوَالَنَا! اللَّهُمَّ أَلْفُ بَيْنَ قُلُوبِنَا! اللَّهُمَّ اخْتِمِ بِالْبَاقِيَاتِ الصَّالِحَاتِ أَعْمَالَنَا بِرَحْمَتِكَ الْوَاسِعَةِ

- آمِينَ!

إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَاءِ ذِي الْقُرْبَى وَيَنْهَى عَنِ الْفَحْشَاءِ وَالْمُنْكَرِ وَالْبَغْيِ، يَعِظُكُمْ لَعَلَّكُمْ

تَذَكَّرُونَ!